



Vun frieher un heit for Bensmer Leit
Bergsträßer Anzeigebblatt 14.01.1950



„Es Orschinaal“



Bei dem Wort „Orschinaal“ brauch mer net glei Hinnergedanke ze krieh, indem daß mer zum Beischbeel glaawe dutt, die Bezeichnung weer e gewollt Zericksetzung orrer goar e Veschimpfierung vunerer Pärsoon un sou, die wuu mer inde Effendlichkeit lächerlich mache wollt. Im Gäjedaal. Es hot schunn orik geachtete Mensche un beriehmte Leit gäwwe, die wuu sogoar e geschichtlich Bedeidung gehobt häwwe un doch als Orschinaale betroacht wärrn misse.

Orschinaale hots zu alle Zeite gäwwe un bei alle Velker. Es sinn ääwe Mensche, die wuu net in die Schabloon vum Alldoagslääwe noibasse. Mer findse bei Houchgeischdige un Dummbeidel, bei Gäldleit un oame Deiwel, bei Houch und Niedrig, beim mennliche Geschlächht wie beim weibliche Geschlächht, vunnde junge ougefange bis in die älteschde Joahrgeng. Orschinaale trääre zwoar, weilse hoalt „Sonderling“ sinn, net in Masse uff, sinn awwer inde Masse vedaalt wie die Rosiene ineme „Bund“. Mer hotse unner Gelehrte un Kinschdler, unner Houchschdabbler un Bällseck, unner Vebrächer un Menschefreunde, unner Schullehrer, Dokdersleit un Parrer, unner Hannelsleit un Handwaiker, unner Sdienerääl un Sdibießbaijer, unner Faulbelz un Arweiter. Veel Orschinaale platze ball vor Dummheit, annern sinn groad ande Grenz zum Iwwerschnabbe. Dene ärschde kommer e lang Lääwe prophezeie, indem dassen schweer felst, ehrn Geischd uffzegäwwe aus dem aafache Grund, weilse kaan häwwe, die zwadde schdääihn groad vorm Narrnhaus, wärrn awwer net noigelosse, weilse noch net ganz reif defoor sinn. Es sinn däs die sougenante „vekannte Schenie“, awwer es gitt Leit, die wuu sich scheniern, mirren bekannt ze soi. De Volksmund nenntse „geschbritzt“, e Zwischeding zwische Veschdann un Bocksbaanigkeit. Die Dumme hoaltese for gescheit un die Gescheite lächle un schille mim Kobb, wannse in Erschoinung trääre.

Awwer en groußer Daal vunde Orschinaale wärd nor däs wäje vunde Allgemaahheit sou oigeschduuft, weiler die Schranke, die wuu die sougenant „Gesellschaft“ — wammer neher hieguggd, manchmool e schäi Gesellschaft! — in ehre Engschdärnigkeit uffgericht hot, bewußt, orrer uubewußt iwverhibbt un sich he Deiwel drumm kimmert, woas die Hemmel dezoo soage, die wuu nor ehrn eijene Trott gewehnt sinn. Oft sinn die Orschinaale net die schläächste, ääwesou wie aa net e Kornähr die schläächst ze soi braucht, nor weilse allaans iwver die iwvrige Aehrnr rausguggd.

Wanns iwverooal Orschinaale gitt, warum solls doo in Bensmer kaa gäwwe? Un wanns zu alle Zeite soure gäwwe hot, warum solle doo net schunn in friehere Zeite in Bensmer Orschinaale rummgedabbt soi un es aa heit noch sou Sorte Leit gäwwe? Ich will glei die richdig Antwort druff gäwwe. Bensmer woar vun jehär reich an Orschinaale un brauch kaa Engschde ze hoawwe, dass sou ball ausschdärwe.

Ich häbb im Laaf vunde letschde Joahrn ganz im gehaame all die Ounooome gesammelt, die wuu mer frieher un heit Bensmer Bäjier un Bäjieriene gäwwe hot, wannse vum Volksmund for souene Auszeichnung for wärdig gefunne worrn sinn. Zum Daal sinnse veärbt, zum Daal

sinnse reedlich vedient un perseenlich erworwe. Uuwillkierlich denkt mer doo an Gebortsadel un an Veditstadel. Awwer die sou Ausgezeichnete wärrn net sou ganz mein Schdandpunkt daale, sunschd heense schunn lengschd uff ehre Visiddekoat unner ehrn bäijerliehe Noome aa ehrn Ounooome hocke losse. Drumm häwwich die Zerrel vun moiner Sammlung ine grouß Sigaankisdid noigeduu, die Kischd venäggelt un nochmool mirrerer dicke Kordel zuugebunne, dassе joo net in uuberufene Hend falle kenne. Es brauch aa kaan Mensch Angschd ze hoawwe, dassе ärjendwann mool effendlich in Erschoinung trääre. Awwer wann ich als sou allaans dehaam hock un in oalde un neie Erinnerungе schwelg, dann mach ich däs Käschedel uff un nemm aan orrer de annern Zerrel raus. Un wie die Buuwe, die wuu sich weiße Mais hoalte, sou hie un doo aani devuu uffem Rand vun ehrm Kewwich rumflankiern losse un sich an dem drumm un drou fraan, sou frei ich mich an Hand vun soueme Ounomme an där Beowachtungsgaab, an där Träffsicherheit un an dem ougeboorne Modderwitz vun unsern Vorfoahrn un ehre Enkel.

En groußer Daal vun deene, wuu doo in moim Kaschde oigeschbärrt sinn, woarn mool Bensmer Orschinaale orrer sinns heit noch. Un wann ich mäik, dasses mit meer zu Enn gäiht, dann mach ich es letsschde Mool däs Käschedel uff, schreib moin Noome äawefalls uffen Zerrel un wärfen noi, domit mer net vorgeworfe wärrn kann, ich hett mit Oabsicht moi Sammlung uuvollschdennig de Noachwält hinnerlosse.

Heit loß ich mool net e weiß Maisel aus moiner Kischd raus, sonnern glei en ziemlich ausgewoachsene „Waschbär“ där wuu oalde Bensmer sicher noch gut in Erinnerung is. Wie um faschd alle Orschinaale schlinge sich aa um ehnen ganze Kranz vun woahre un erfunnene Geschichdelchin. AA devuu is beschdimmt woahr un ich häbbse däs wäje im folgende Gedicht feschedgehalte:

En Bensmer Mann aus friehre Joahrn,
Im Ort bekannt als Schussel,
Wollt mool ganz frieh noach Darmschdadt foahrn
Er woar noch halb im Dussel.

Zevoorde horrer schnäll gedabbt
Soi Aktemabb im Laafe.
Rennt an die Bahn — es hot geklabbt.
Glei dutt's Billjet er kaafe.

Er heert, es hett Veschbeerung heit
De Zug — Kaum wärd er's inne,
Doo denkt er: Ei, doo is noch Zeit,
Mool schnäll dort ze veschwinne.

Un wuu e Null die Deer veziert,
Doo isser schnäll veschwunne
Bei dem doo hot's als oik prässiert
Sou um die Mojenschdunne.

Kaum horrer doo soi Sach vericht
Un will sich färdig mache,
Kimmt schun de Zugg eraagezischt.
Do haaßt's jetz färrou mache.

Schnäll knebbt er, woas ze knebbe woar,
Rennt fort dann wie besässe.
Doch in de Raasch, faschd um e Hoahr,
Heerer soi Mabb vegässe.

Er kriecht en Platz noch Gott sei Dank.
Soin Zugg, där dutt schun rolle. — —
Jetzt lacht's und kichert's uff de Bank.
„Woas nor die Äisel wolle?“

Es Lache nimmt kaa Enn jetz mäih.
Die Weibslait kreische zamme.
Doo schbringt er wiedend in die Häih.
„Eich soll joo Gott vedammel“

„Woas is denn lous?“, sou rieht er aus,
„Ehr Simbel, ehr, ehr Seckel!“
Doo feilt em unnerm Oam eraus
En runder Oabtrittsdeckel.

Er hot vorhie dort uffem Cloo,
Wie groad soin Zugg is kumme,
Anschdatt soi Mabb den Deckel doo
Schnäll unnerm Oam genumme.
Muß ihn groad traffe däs Maleer!
Ach, deet där Zugg doch hoaltel — —
— — — — — — — — —

Mer soll, prässiert's aa noch sou sehr,
Soi Gdanke zammehoalte!